

中書典故彙紀

中書典故集紀卷七

仁和王正功輯

錢塘趙輯寧校補

題名

題名止載大學士而不及其餘者蓋自洪武十三年罷中書省後員缺無定裁設不常而本朝則滿漢額缺繁多縱廣爲搜羅不免掛漏非如大學士之有拜罷年月易攷也起自明者大學士之行相事自明始也而時之久暫諡之有無或爲甲科或爲乙科或爲耆儒無不具載非僅書其姓名籍貫而已也

明太祖吳元年甲辰置中書省設左右相國洪武元年改相國爲丞相

李善長鳳陽府定遠縣人吳元年拜左相國洪武元年改左丞相四年正月致仕在閣八年

福王時追謚襄愍

徐達鳳陽府鳳陽縣人吳元年拜右相國洪武元年改右丞相尋帶銜出征共二十二年配享太廟謚武寧汪廣洋揚州府高郵州人元末儒士洪武三年拜右丞相四年正月任尋遷左丞相六年謫廣東參政十年復拜右丞相十二年謫海南伏誅在閣六年

胡惟庸鳳陽府鳳陽縣人洪武六年拜右丞相七年遷左丞相十三年謀逆賜死在閣八年

洪武十三年罷中書省設春夏秋冬四輔官兼太子賓客位列公侯之次止行一年

安然河南祥符縣人元山東行省左丞歸附洪武十四年召爲四輔官八月卒

王本籍貫未詳洪武十三年召授春官十五年論斬

李幹山西絳州人元翰林院編修洪武十三年召授四輔官十四年任十五年降爲蘇州知府

杜敦山西壺關縣人耆儒洪武十三年召授夏官十四年致仕

杜佑山西安邑縣人耆儒洪武十三年召授春官十五年致仕

龔敦江西鉛山縣人耆儒洪武十三年召授春官十四年致仕

趙民望真定府藁城縣人耆儒洪武十三年召授夏官十四年致仕

吳源福建莆田縣人洪武初舉明經十三年召授夏官十四年致仕

何顯周大名府內黃縣人洪武十四年召爲四輔官十五年致仕七月遂革四輔官

洪武十五年倣宋制置華蓋殿武英殿文淵閣東閣大學士又置文華殿大學士

劉仲質江西分宜縣人洪武十五年由禮部尙書授爲

華蓋殿大學士十六年降監察御史

吳伯宗江西金谿縣人洪武辛亥狀元十五年授武英殿大學士十六年降檢討未入閣

朱訥大名府滑縣人元進士洪武十五年授文淵閣大學士十六年改國子監祭酒

吳沈浙江蘭谿縣人洪武初舉儒士十五年授東閣大學士十六年降侍書

鮑恂浙江崇德縣人元省試第一人洪武十五年召爲文華殿大學士固辭歸隱

全思誠松江府上海縣人耆儒洪武十五年召爲文華殿大學士十六年致仕

余詮浙江安吉州人洪武十五年召授文華殿大學士  
固辭翌日放歸

張長年揚州府高郵州人洪武十五年召授文華殿大  
學士翌日固辭放歸

朱善江西豐城縣人洪武十八年以待詔爲會試主考  
事竣授爲文淵閣大學士是年卒諡文恪

齊泰應天府溧水縣人洪武乙丑進士三十一年由兵  
部尙書參預國政建文四年殉難福王時諡節愍

黃子澄江西分宜縣人洪武乙丑探花三十一年以太  
常寺卿參預國政建文四年殉難福王時諡節愍

方孝孺浙江寧海縣人建文卽位以薦召爲翰林侍講

元年以侍講學士改文學博士參預國政四年殉難  
福王時諡文正

按齊泰黃子澄方孝孺三人俱照明史稿載入而大  
政記則稱洪武三十一年六月以方孝孺爲翰林侍  
講齊泰爲兵部尙書建文二年八月改方孝孺爲文  
學博士三年正月召齊泰黃子澄議軍國事惟遜國  
記云三十一年六月以兵部尙書齊泰太常寺卿黃  
子澄參預國政七月召漢中府學教授方孝孺爲翰  
林侍講

永樂卽位選文學臣解縉等七人入直文淵閣講讀  
纂修與議機務



建文時改謹身殿爲正心殿設正心殿學士其後遂有謹身殿大學士

解縉江西吉水縣人洪武戊辰進士永樂卽位擢侍讀入直文淵閣預機務五年黜爲廣西布政司參議在  
閣五年

黃淮浙江永嘉縣人洪武丁丑進士永樂卽位擢編修進侍讀入直文淵閣十二年繫獄二十二年釋自獄爲通政使兼武英殿大學士宣德二年致仕在閣十六年謚文簡

胡廣江西吉水縣人建文庚辰狀元永樂卽位擢侍讀晉侍讀入直文淵閣十四年進文淵閣大學士十六

年卒在閣十七年諡文穆

楊士奇江西泰和縣人建文時以史才薦入翰林永樂卽位由編修入內閣與機務十二年下獄未幾復職二十年九月下獄尋復職二十二年進華蓋殿大學士正統九年卒在閣四十三年諡文貞

楊榮福建建安縣人建文庚辰庶吉士永樂卽位由編修入閣十八年進文淵閣大學士二十二年進謹身殿正統五年卒在閣三十五年諡文敏

胡儼江西南昌縣人舉洪武二十年鄉試永樂卽位擢檢討入直文淵閣二年出爲國子監祭酒在閣三年金幼孜江西新淦縣人建文庚辰進士永樂卽位由給

事中改檢討入直文淵閣十八年進文淵閣大學士  
二十二年進武英殿宣德元年薨去尋起復六年卒  
在閣三十年諡文靖

楊溥湖廣石首縣人建文庚辰進士洪熙元年擢太常  
卿兼學士入閣與機務宣德四年薨去尋起爲禮部  
尚書十年復入文淵閣正統三年進武英殿大學士  
十一年卒在閣十七年諡文定

權謹徐州人洪熙元年三月由光祿丞授文華殿大學  
士閏七月以文學非所長又年老改通政司參議致  
仕

張瑄順德府邢臺縣人舉人宣德元年擢禮部左侍郎

兼文華殿大學士四年調南京禮部尙書九年仍直文淵閣正統元年卒在閣七年

按史料云張子玉出理南部猶帶殿銜

陳山福建沙縣人舉人宣德元年擢戶部尙書兼謹身殿大學士二年二月任四年十月專授小內使書在閣三年

曹鼐真定府寧晉縣人宣德癸丑狀元正統五年由侍講入閣十四年死于土木在閣十年景泰時贈文淵閣大學士諡文襄天順時改諡文忠

馬愉山東臨朐縣人宣德丁未狀元正統五年由侍講學士入閣十二年卒在閣八年諡襄敏

陳循江西泰和縣人永樂乙未狀元正統九年由翰林院學士入閣景泰二年進文淵閣大學士七年進華蓋殿仍直文淵閣天順元年謫戍在閣十三年

苗衷鳳陽府定遠縣人永樂辛卯榜眼正統十年由侍讀學士進兵部右侍郎入閣景泰元年致仕在閣六年諡文康

高穀揚州府興化縣人永樂乙未庶吉士正統十年由侍講學士升工部右侍郎入閣景泰二年進東閣大學士七年進謹身殿仍兼東閣天順元年致仕在閣十三年成化初諡文義

張益應天府江寧縣籍吳縣人永樂乙未庶吉士正統

十四年由侍講學士入直文淵閣本年死于土木景泰時贈學士諡文僖

商輅浙江淳安縣人正統乙丑狀元十四年由修撰入閣天順元年爲民成化三年召入閣十一年進文淵閣大學士十三年四月進謹身殿六月致仕在閣二十年諡文毅

彭時江西安福縣人正統戊辰狀元十四年由修撰入閣聞繼母憂力辭不允景泰元年請終制天順元年再入閣成化三年進文淵閣大學士十一年卒在閣二十年諡文憲

江淵四川江津縣人宣德庚戌庶吉士景泰元年由刑

部侍郎兼學士入閣三年奔喪四年還任六年出視  
部事在閣六年

俞綱浙江嘉興縣人生員舉楷書授中書舍人景泰卽  
位由兵部右侍郎兼學士入閣逾三月改兵部

王一寧浙江仙居縣人永樂戊戌進士景泰二年由禮  
部左侍郎兼學士入閣三年卒在閣二年謚文通  
蕭鑑江西泰和縣人宣德丁未進士景泰二年由祭酒  
兼學士入閣天順元年罷在閣七年

王文保定府東鹿縣人永樂辛丑進士景泰三年由左  
都御史入閣四年憂去九月起復五年進東閣大學  
士七年進謹身殿仍兼東閣天順元年棄市在閣六

年弘治時諡毅愍

徐有貞蘇州府吳縣人宣德癸丑庶吉士天順元年擢兵部尚書兼學士入閣三月進華蓋殿大學士掌文淵閣事六月下獄降廣東右參政

許彬山東寧陽縣人永樂乙未庶吉士天順元年由太常寺卿陞禮部右侍郎兼學士入閣本年調南京禮部左侍郎諡襄敏

按春明夢餘錄及史料云出爲陝西參議參政

薛瑄山西河津縣人永樂辛丑進士天順元年由大理寺卿陞禮部侍郎兼學士入閣本年致仕諡文清

李賢河南鄧州人宣德癸丑進士天順元年由禮部右



侍郎兼學士入直文淵閣六月降福建右參政尋留任八年進華蓋殿大學士成化二年卒在閣十年諡文達

呂原浙江秀水縣人正統壬戌榜眼天順元年由通政司參議兼侍講入閣六年卒在閣六年諡文懿

岳正順天府涿縣人正統戊辰探花天順元年由修撰入閣本年謫戍嘉靖時諡文肅

陳文江西廬陵縣人正統丙辰榜眼天順七年由禮部侍郎兼學士入閣成化三年進文淵閣大學士四年卒在閣六年諡莊靖

劉定之江西永新縣人正統丙辰探花成化二年由太

常寺少卿兼學士入直文淵閣五年卒在閣四年謚  
文安

萬安四川眉山縣人正統戊辰庶吉士成化五年由禮  
部左侍郎兼學士入閣十三年進文淵閣大學士十  
四年進謹身殿十八年進華蓋殿二十三年罷在閣  
十八年謚文康

劉吉保定府博野縣人正統戊辰庶吉士成化十一年  
由禮部左侍郎兼學士入閣十四年進文淵閣大學  
士十八年進武英殿二十一年進謹身殿弘治四年  
進華蓋殿五年致仕在閣十八年謚文穆

劉珏山東壽光縣人正統戊辰庶吉士成化十一年由

吏部右侍郎兼學士入閣十四年進文淵閣大學士  
十八年進謹身殿二十一年致仕在閣十二年諡文  
和

彭華江西安福縣人景泰甲戌庶吉士成化二十一年  
擢吏部左侍郎兼學士入閣二十三年致仕在閣三  
年諡文思

尹直江西泰和縣人景泰甲戌庶吉士成化二十二年  
以兵部左侍郎兼學士入閣二十三年致仕在閣二  
年諡文和

徐溥常州府宜興縣人景泰甲戌榜眼成化二十三年  
十月由吏部侍郎兼學士入閣十一月進文淵閣大

學士弘治四年進武英殿七年進謹身殿十一年進華蓋殿十月致仕在閣十二年謚文靖

劉健河南洛陽縣人天順庚辰庶吉士成化二十三年擢禮部右侍郎兼學士入閣弘治四年進文淵閣大學士七年進武英殿十一年進謹身殿十六年進華蓋殿正德元年致仕在閣二十年謚文靖

邱濬廣東瓊山縣人景泰甲戌庶吉士弘治四年由禮部尚書兼文淵閣大學士七年進武英殿八年卒在閣五年謚文莊

李東陽湖廣茶陵州人錦衣衛籍天順甲申庶吉士弘治八年由禮部右侍郎兼侍讀學士入閣十一年進

文淵閣大學士十六年進謹身殿正德元年進華蓋殿七年致仕在閣十七年諡文正

謝遷浙江餘姚縣人成化乙未狀元弘治八年由少詹事兼學士入閣十一年進東閣大學士十六年進武英殿正德元年致仕嘉靖六年仍以原銜召入閣七年致仕在閣十四年諡文正

焦芳河南泌陽縣人天順甲申庶吉士正德元年由吏部尙書進文淵閣大學士二年進謹身殿四年進華蓋殿五年致仕在閣五年

王鏊蘇州府吳縣人成化乙未探花正德元年由吏部右侍郎兼學士入閣十二月進文淵閣大學士二年

進武英殿四年致仕在閣四年諡文恪

楊廷和四川新都縣人成化戊戌庶吉士正德二年由南京戶部尚書入爲文淵閣大學士五年二月進武英殿九月進謹身殿七年進華蓋殿十年丁憂十二年起原官嘉靖三年致仕在閣十七年諡文忠

劉宇河南鈞州人成化壬辰進士正德四年由吏部尚書兼文淵閣大學士六日而罷

曹元和州含山縣人成化乙未進士正德五年由兵部尚書陞吏部尚書兼文淵閣大學士八月罷

劉忠河南陳留縣人成化戊戌庶吉士正德五年由吏部尚書兼文淵閣大學士九月進武英殿六年致仕

在閣二年謚文肅

梁儲廣東順德縣人成化戊戌庶吉士正德五年由南京吏部尚書入爲文淵閣大學士尋進武英殿七年進謹身殿十六年致仕在閣十二年謚文康

費宏江西鉛山縣人成化丁未狀元正德六年由禮部尚書兼文淵閣大學士七年進武英殿九年致仕十六年召入閣嘉靖五年進華蓋殿六年致仕十四年再召入閣本年卒在閣十三年謚文憲

靳貴鎮江府丹徒縣人弘治庚戌探花正德九年擢禮部尚書兼文淵閣大學士十二年致仕在閣四年謚文僖

楊一清雲南安寧州人成化壬辰進士正德十年由吏部尚書兼武英殿大學士十一年致仕嘉靖五年以原銜召入閣八月進謹身殿六年進華蓋殿八年致仕在閣六年諡文襄

蔣冕廣西全州人成化丁未庶吉士正德十一年由禮部尚書兼文淵閣大學士十二年進武英殿十六年進謹身殿嘉靖三年致仕在閣九年

毛紀山東掖縣人成化丁未庶吉士正德十二年由禮部尚書兼東閣大學士七月進文淵閣十六年進武英殿嘉靖三年進謹身殿尋致仕在閣八年諡文簡  
袁宗皋湖廣石首縣人弘治庚戌進士正德十六年由



吏部左侍郎陞禮部尚書兼文淵閣大學士本年卒  
諡榮襄

世宗時三殿成改華蓋爲中極謹身爲建極閣銜因  
之

石琚正定府棗城縣人成化丁未庶吉士嘉靖三年擢  
吏部尚書兼文淵閣大學士四年進武英殿六年致  
仕在閣四年初諡文隱隆慶時改諡文介

賈詠河南臨潁縣人弘治丙辰庶吉士嘉靖三年由吏  
部侍郎陞禮部尚書兼文淵閣大學士四年進武英  
殿六年致仕在閣四年諡文靖

崔鑾山東諸城縣人錦衣衛籍弘治乙丑庶吉士嘉靖

六年由吏部左侍郎兼學士入直文淵閣十二年丁憂十九年行邊還再入閣爲武英殿大學士二十一年進謹身殿二十三年削籍在閣十二年隆慶時諡文懿

席書四川遂寧縣人弘治庚戌進士嘉靖六年以禮部尙書兼武英殿大學士未任卒諡文襄

張孚敬原名璉浙江永嘉縣人正德辛巳進士嘉靖六年由禮部尙書兼文淵閣大學士七年進謹身殿八年八月致仕九月召還再入閣十年七月罷十月召還十一年三月至京進華蓋殿八月致仕十二年再入閣十三年授武英殿大學士十四年致仕十五年

再召未任卒在閣共八年諡文忠

桂萼江西安仁縣人正德辛未進士嘉靖八年由吏部  
尙書兼武英殿大學士本年八月罷九月復職仍致  
仕十月復任十年以病乞歸卒在閣二年諡文襄

李時河間府任邱縣人弘治壬戌庶吉士嘉靖十年由  
禮部尙書兼文淵閣大學士十五年七月進謹身殿  
十二月進華蓋殿十七年卒在閣八年諡文康

方獻夫廣東南海縣人弘治乙丑進士嘉靖十一年以  
原任吏部尙書召至京授武英殿大學士十三年致  
仕在閣三年諡文襄

夏言江西貴溪縣人正德丁丑進士嘉靖十五年由禮

部尙書兼武英殿大學士十八年致仕旋召還復入  
閣十九年進華蓋殿二十年八月致仕十月授武英  
殿大學士入閣辦事二十一年閑住二十四年復入  
閣進華蓋殿二十七年棄市在閣十一年隆慶初謚  
文愍

顧鼎臣蘇州府崑山縣人弘治乙丑狀元嘉靖十七年  
擢禮部尙書兼文淵閣大學士十八年進武英殿十  
九年卒在閣三年謚文康

嚴嵩江西分宜縣人弘治乙丑庶吉士嘉靖二十一年  
由禮部尙書兼武英殿大學士二十三年進謹身殿  
四十一年罷在閣二十一年

許讚河南靈寶縣人弘治丙辰進士嘉靖二十三年由吏部尙書兼文淵閣大學士二十四年罷在閣二年諡文簡

張璧湖廣石首縣人正德辛未庶吉士嘉靖二十三年由禮部尙書兼東閣大學士二十四年卒在閣二年諡文簡

張治湖廣茶陵州人正德辛巳庶吉士嘉靖二十八年由南京吏部尙書改禮部尙書兼文淵閣大學士二十九年卒在閣二年初諡文穆改諡文毅

呂本卽李本浙江餘姚縣人嘉靖壬辰庶吉士二十八年由少詹事兼學士入閣二十九年進東閣大學士

三十二年進文淵閣三十五年進武英殿四十年丁憂在閣十三年謚文安

徐階松江府華亭縣人嘉靖癸未探花三十一年由禮部尙書兼東閣大學士三十三年進武英殿四十二年進建極殿隆慶二年致仕在閣十八年謚文貞

袁煒浙江慈谿縣人嘉靖戊戌探花四十年由禮部尙書轉戶部尙書兼武英殿大學士四十三年進建極殿四十四年以病致仕在閣五年謚文榮

嚴訥蘇州府常熟縣人嘉靖辛丑庶吉士四十四年由吏部尙書兼武英殿大學士本年以疾乞歸謚文靖李春芳揚州府興化縣人嘉靖丁未狀元四十四年由

禮部尙書兼武英殿大學士隆慶二年進建極殿四年進中極殿五年致仕在閣七年諡文定

郭朴河南安陽縣人嘉靖乙未庶吉士四十五年由吏部尙書兼武英殿大學士隆慶元年致仕在閣二年卒諡文簡

高拱河南新鄭縣人嘉靖辛丑庶吉士四十五年由禮部尙書兼文淵閣大學士隆慶元年致仕三年召還四年進建極殿六年正月進中極殿六月罷在閣四年諡文襄

陳以勤四川南充縣人嘉靖辛丑庶吉士隆慶元年擢禮部尙書兼文淵閣大學士尋進武英殿四年致仕

在閣四年諡文端

張居正湖廣江陵縣人嘉靖丁未庶吉士隆慶元年擢吏部左侍郎兼東閣大學士四月進武英殿六年進建極殿尋進中極殿萬厯十年卒在閣十六年諡文忠

趙貞吉四川內江縣人嘉靖乙未庶吉士隆慶三年擢禮部尙書兼文淵閣大學士四年致仕在閣二年卒諡文肅

殷士儋山東歷城縣人嘉靖丁未庶吉士隆慶四年由禮部尙書兼文淵閣大學士旋進武英殿五年致仕在閣二年初諡文通改諡文莊



高儀浙江錢塘縣人嘉靖辛丑庶吉士隆慶六年以原任禮部尚書入爲文淵閣大學士本年卒諡文端

呂調陽廣西臨桂縣人嘉靖庚戌榜眼隆慶六年由禮部尚書兼文淵閣大學士萬曆六年以病回籍在閣七年諡文簡

張四維山西蒲州人嘉靖癸丑庶吉士萬曆三年擢禮部尚書兼東閣大學士五年進文淵閣六年進武英殿又進中極殿十一年丁憂在閣九年諡文毅

馬自強陝西同州人嘉靖癸丑庶吉士萬曆六年由禮部尚書兼文淵閣大學士本年卒諡文莊

申時行蘇州府吳縣人嘉靖壬戌狀元萬曆六年由吏

部左侍郎兼東閣大學士七年進文淵閣十年進武英殿十一年進建極殿十二年進中極殿十九年致仕在閣十四年諡文定

潘晟浙江新昌縣人嘉靖辛丑榜眼萬厯十年以原任禮部尙書入爲武英殿大學士未任疏辭命以新銜致仕

余有丁浙江鄞縣人嘉靖壬戌探花萬厯十年擢禮部尙書兼文淵閣大學士十一年進武英殿十二年進建極殿本年卒在閣三年諡文敏

許國徽州府歙縣人嘉靖乙丑庶吉士萬厯十一年擢禮部尙書兼東閣大學士九月進文淵閣十二年進

武英殿十五年進建極殿十九年致仕在閣九年諡  
文穆

王錫爵蘇州府太倉州人嘉靖壬戌榜眼萬厯十二年  
起禮部尙書入爲文淵閣大學士十三年任十五年  
進武英殿十九年給假省親二十一年還朝進建極  
殿二十二年致仕在閣十年諡文肅

王家屏山西山陰縣人隆慶戊辰庶吉士萬厯十二年  
由吏部左侍郎兼東閣大學士十四年丁憂十六年  
復入閣二十年以病罷在閣八年諡文端

趙志皋浙江蘭溪縣人隆慶戊辰探花萬厯十九年由  
吏部侍郎陞禮部尙書兼東閣大學士二十一年進

文淵閣二十四年進武英殿二十五年進建極殿二十九年卒在閣十一年諡文懿

張位江西新建縣人隆慶戊辰庶吉士萬厯十九年起吏部左侍郎入爲東閣大學士二十五年進文淵閣又進武英殿二十六年閒住在閣八年天啟中諡文端

陳于陞四川南充縣人隆慶戊辰庶吉士萬厯二十二年擢禮部尙書兼東閣大學士二十四年進文淵閣十一月卒在閣三年諡文憲

沈一貫浙江鄞縣人隆慶戊辰庶吉士萬厯二十二年以前禮部尙書入爲東閣大學士二十四年進文淵

閣二十五年進武英殿二十九年進建極殿三十一年進中極殿三十四年致仕在閣十三年謚文恭  
沈鯉河南商邱縣人嘉靖乙丑庶吉士萬厯二十九年以前禮部尙書入爲東閣大學士三十二年進文淵閣三十四年致仕在閣六年謚文端

朱賡浙江山陰縣人隆慶戊辰庶吉士萬厯二十九年以前禮部尙書入爲東閣大學士三十二年進文淵閣三十五年進文華殿三十六年卒在閣八年謚文懿

于慎行山東東阿縣人隆慶戊辰庶吉士萬厯三十五年以前禮部尙書入爲東閣大學士趨朝甫一日遺

疏告終謚文定

李廷機福建晉江縣人萬厯癸未榜眼三十五年以禮部尙書兼東閣大學士三十六年十月養病不赴閣至三十九年始得歸在閣二年謚文節

葉向高福建晉江縣人萬厯癸未庶吉士三十五年由南京吏部侍郎徑授禮部尙書兼東閣大學士三十八年進文淵閣旋進武英殿又進建極殿四十二年告歸泰昌元年召入閣天啟元年十二月任三年進中極殿四年致仕在閣十二年崇禎時謚文忠

方從哲其先德清縣人籍隸錦衣衛萬厯癸未庶吉士四十一年擢禮部尙書兼東閣大學士四十五年進

文淵閣四十八年八月進武英殿十月進建極殿又進中極殿天啟元年罷在閣八年謚文端

吳道南江西崇仁縣人萬厯乙丑榜眼四十一年由原任禮部侍郎起禮部尚書兼東閣大學士四十三年始入閣四十五年丁憂在閣三年謚文恪

史繼偕福建晉江縣人萬厯壬辰榜眼四十七年擢禮部尚書兼東閣大學士天啟元年十月任尋進文淵閣三年致仕在閣三年

沈淮浙江烏程縣人萬厯壬辰進士四十八年以南京禮部侍郎陞禮部尚書兼東閣大學士天啟元年七月任尋進文淵閣又進武英殿二年七月致仕在閣

二年諡文定

何宗彥湖廣隨州人萬厯乙未庶吉士泰昌元年起禮部尚書兼東閣大學士天啟元年六月任十月進文淵閣十二月改武英殿四年卒在閣四年諡文毅劉一燝江西南昌縣人萬厯乙未庶吉士泰昌元年八月擢禮部尚書兼東閣大學士十月進文淵閣天啟元年六月進武英殿十月進建極殿又進中極殿二年致仕在閣三年福王時諡文端

韓爌山西蒲州人萬厯壬辰庶吉士泰昌元年擢禮部尚書兼東閣大學士尋進文淵閣天啟元年六月進武英殿十月進建極殿三年進中極殿四年致仕崇



禎元年再召入閣三年致仕在閣七年

朱國祚浙江秀水縣人萬厯癸未狀元泰昌元年擢禮部尚書兼東閣大學士天啟元年六月任十月進文淵閣三年正月進武英殿四月致仕在閣三年謚文恪

孫如游浙江餘姚縣人萬厯乙未庶吉士泰昌元年十月由禮部尚書兼東閣大學士天啟元年進文淵閣尋致仕在閣不及一年謚文恭

孫承宗保定府高陽縣人萬厯甲辰榜眼天啟二年二月由兵部尚書兼東閣大學士八月督視山海關兵務五年致仕崇禎二年起督視山海關四年十一月

致仕回籍十一年守高陽城死節福王時諡文忠

朱國禎浙江烏程縣人萬厯己丑庶吉士天啟二年擢禮部尚書兼東閣大學士六月進文淵閣四年致仕在閣三年崇禎五年諡文肅

顧秉謙蘇州府崑山縣人萬厯乙未庶吉士天啟二年由禮部尚書兼東閣大學士三年進文淵閣五年進建極殿又進中極殿六年致仕在閣四年

朱延禧山東聊城縣人萬厯乙未庶吉士天啟二年擢禮部尚書兼東閣大學士三年正月任七月進文淵閣五年正月進建極殿六月罷在閣四年

魏廣微大名府南樂縣人萬厯甲辰庶吉士天啟二年

由南京禮部右侍郎陞禮部尙書入爲東閣大學士  
三年十月任十一月進文淵閣五年進建極殿尋致  
仕在閣三年

周如磐福建莆田縣人萬厯戊戌庶吉士天啟五年擢  
禮部尙書兼東閣大學士尋進文淵閣未匝月致仕  
諡文懿

丁紹軾池州府貴池縣人萬厯丁未庶吉士天啟五年  
擢禮部尙書兼東閣大學士尋進文淵閣六年進武  
英殿五月卒在閣八月諡文恪

黃立極大名府元城縣人萬厯甲辰庶吉士天啟五年  
擢禮部尙書兼東閣大學士尋進文淵閣六年進武

英殿七年三月進建極殿七月進中極殿十二月罷  
在閣三年

馮銓順天府涿州人萬厯癸丑庶吉士天啟五年由禮  
部右侍郎兼東閣大學士六年進武英殿尋罷在閣  
二年

施鳳來浙江平湖縣人萬厯丁未榜眼天啟六年擢禮  
部尚書兼東閣大學士十一月進武英殿七年進建  
極殿崇禎元年致仕在閣三年

張瑞圖福建晉江縣人萬厯丁未探花天啟六年擢禮  
部尚書兼東閣大學士十一月進武英殿七年進中  
極殿崇禎元年致仕在閣三年

中書七

李國楫保定府高陽縣人萬厯癸丑庶吉士天啟六年擢禮部尚書兼東閣大學士十一月進武英殿崇禎元年致仕在閣三年諡文敏

李標真定府高邑縣人萬厯丁未庶吉士天啟七年起禮部尚書入爲東閣大學士崇禎元年三月任尋進文淵閣三年進武英殿尋致仕在閣三年諡文節

楊景辰福建晉江縣人萬厯癸丑庶吉士天啟七年擢禮部尚書兼東閣大學士崇禎元年罷在閣二年

錢龍錫松江府華亭縣人萬厯丁未庶吉士天啟七年擢禮部尚書入爲東閣大學士崇禎元年任尋進文淵閣二年罷在閣二年

來宗道浙江蕭山縣人萬厯甲辰庶吉士天啟七年由禮部尙書兼東閣大學士崇禎元年罷在閣二年

周道登蘇州府吳江縣人萬厯戊戌庶吉士天啟七年擢禮部尙書入爲東閣大學士崇禎元年六月任尋進文淵閣二年致仕在閣二年

劉鴻訓山東長山縣人萬厯癸丑庶吉士天啟七年擢禮部尙書入爲東閣大學士崇禎元年二月任七月進文淵閣十二月罷

成基命卽成靖之大名府大名縣人萬厯丁未庶吉士崇禎二年擢禮部尙書兼東閣大學士三年進文淵閣九月致仕在閣二年謚文穆

中書七

周延儒常州府宜興縣人萬厯癸丑狀元崇禎二年擢禮部尚書兼東閣大學士三年二月進文淵閣十一月進武英殿六年罷十四年再入閣十六年罷尋賜自盡在閣共八年

何如寵安慶府桐城縣人萬厯戊戌庶吉士崇禎二年由禮部尚書兼東閣大學士三年二月進文淵閣十一月進武英殿四年致仕在閣三年福王時謚文端錢象坤浙江山陰縣人萬厯辛丑庶吉士崇禎二年擢禮部尚書兼東閣大學士三年二月進文淵閣十一月進武英殿四年罷在閣二年

溫體仁浙江烏程縣人萬厯戊戌庶吉士崇禎三年擢

禮部尙書兼東閣大學士十一月進文淵閣六年進建極殿九年進中極殿十年罷在閣八年諡文忠

吳宗達常州府武進縣人萬厯甲辰探花崇禎二年擢禮部尙書兼東閣大學士十一月進文淵閣六年進建極殿八年致仕在閣六年

徐光啟松江府上海縣人萬厯甲辰庶吉士崇禎五年由禮部尙書兼東閣大學士六年七月進文淵閣九月卒在閣二年諡文定

鄭以偉江西上饒縣人萬厯辛丑庶吉士崇禎五年由禮部尙書兼東閣大學士六年六月卒在閣二年諡文恪



王應熊四川巴縣人萬厯癸丑庶吉士崇禎六年擢禮部尚書兼東閣大學士八年罷十五年召十六年至京仍令回籍在閣三年

錢士升浙江嘉善縣人萬厯丙辰狀元崇禎六年召拜禮部尚書兼東閣大學士九年罷在閣四年

何吾騁廣東香山縣人萬厯乙未庶吉士崇禎六年擢禮部尚書兼東閣大學士八年罷在閣三年

林鈺福建龍溪縣人萬厯丙辰探花崇禎八年由禮部左侍郎入爲東閣大學士九年正月任六月卒諡文穆

文震孟蘇州府吳縣人天啟壬戌狀元崇禎八年由禮

部右侍郎召爲東閣大學士七月入十一月閒住福  
王時諡文肅

張至發山東淄川縣人萬厯辛丑進士崇禎八年由刑  
部右侍郎陞禮部左侍郎兼東閣大學士九年進文  
淵閣十一年罷十四年召不赴在閣四年

黃士俊廣東順德縣人萬厯丁未狀元崇禎九年由禮  
部尙書兼東閣大學士十月進文淵閣十一年罷在  
閣三年

賀逢聖湖廣江夏縣人萬厯丙辰榜眼崇禎九年擢禮  
部尙書兼東閣大學士十月進文淵閣十一年罷十  
四年再入閣十五年罷在閣共五年十六年張獻忠

破武昌死節福王時諡文忠

孔貞運應天府句容縣人萬厯己未榜眼崇禎九年擢禮部尚書兼東閣大學士十月進文淵閣十年罷在閣三年

劉宇亮四川綿竹縣人萬厯己未庶吉士崇禎十年擢禮部尚書兼東閣大學士十二年出督師在閣三年傳冠江西進賢縣人天啟壬戌榜眼崇禎十年擢禮部尚書兼東閣大學士十一年罷在閣二年

薛國觀陝西韓城縣人萬厯己未進士崇禎十年由僉都御史陞禮部右侍郎兼東閣大學士十二年六月進文淵閣十一月進武英殿十三年致仕明年逮至

京賜死在閣四年

程國祥徽州府歙縣人萬厯甲辰進士崇禎十一年由戶部尚書改禮部尚書兼東閣大學士十二年致仕在閣三年

楊嗣昌湖廣武陵縣人萬厯庚戌進士崇禎十一年由兵部尚書改禮部尚書兼東閣大學士十二年督師十四年卒于軍在閣二年

方逢年浙江遂安縣人天啟壬戌庶吉士崇禎十一年擢禮部尚書兼東閣大學士十二月閒住

蔡國用江西金谿縣人萬厯庚戌進士崇禎十一年由工部左侍郎陞禮部尚書兼東閣大學士十二年進

文淵閣十三年卒在閣三年謚文恪

范復粹山東黃縣人萬厯己未進士崇禎十一年由大理寺少卿陞禮部右侍郎兼東閣大學士十二年進武英殿十三年進建極殿十四年罷在閣四年

姚明恭湖廣蘄水縣人萬厯己未庶吉士崇禎十二年擢禮部尚書兼東閣大學士尋進文淵閣十三年罷在閣二年

張四知山東費縣人天啟壬戌庶吉士崇禎十二年擢禮部尚書兼東閣大學士六月進武英殿十五年罷在閣四年

魏照乘大名府滑縣人萬厯丙辰進士崇禎十二年由

戎政侍郎陞禮部尙書兼東閣大學士尋進文淵閣  
十五年罷在閣四年

陳演四川井研縣人天啟壬戌庶吉士崇禎十三年由  
禮部左侍郎兼東閣大學士十四年進文淵閣十五  
年進武英殿甲申年進建極殿尋罷死國變在閣四  
年

謝陞山東德州人萬厯丁未進士崇禎十三年由吏部  
尙書改禮部尙書兼東閣大學士十五年罷在閣三  
年

蔣德燦福建晉江縣人天啟壬戌庶吉士崇禎十五年  
擢禮部尙書兼東閣大學士甲申年罷在閣三年

黃景昉福建晉江縣人天啟乙丑庶吉士崇禎十五年擢禮部尚書兼東閣大學士十六年進文淵閣尋致仕在閣二年

吳甡揚州府興化縣人萬曆癸丑進士崇禎十五年由戎政侍郎陞禮部尚書兼東閣大學士十六年督師赴湖廣未行罷在閣二年

魏藻德順天府通州人崇禎庚辰狀元十六年擢少詹事兼東閣大學士甲申年進文淵閣尋死國變在閣二年

李建泰山西曲沃縣人天啟乙丑庶吉士崇禎十六年由吏部右侍郎兼東閣大學士甲申年督師抵保定

爲賊所執在閣二年

方岳貢湖廣穀城縣人天啟壬戌進士崇禎十六年由  
監司陞副都御史翌日命以本官兼東閣大學士甲  
申年進文淵閣旋死國變在閣二年

范景文河間府吳橋縣人萬曆癸丑進士甲申年由工  
部尚書兼東閣大學士未幾死節福王時諡文貞順  
治九年復賜諡文忠

邱瑜湖廣宜城縣人天啟乙丑庶吉士甲申年由禮部  
左侍郎兼東閣大學士未幾死國變

明宰輔共一百八十九人

國朝天聰十年三月改建內三院曰內國史院內祕



書院內弘文院設大學士

范文程瀋陽人後入漢軍鑲黃旗以明生員來歸每贊

幃幄崇德元年

天聰十年四月後改爲崇德元年

五月由祕書院承

政授爲祕書院大學士順治十一年以疾休康熙五

年卒在閣十九年諡文肅

鮑承先山西應州人後隸漢軍崇德元年由二等輕車

都尉授爲祕書院大學士

以後無可查考入旗通志內閣大臣年表止于崇德

二年  
一見

剛林滿洲正藍旗人天聰八年舉人辦事文館崇德元年由國史院承政授爲國史院大學士順治八年以罪誅在閣十六年

希福滿洲正黃旗人以兼通蒙古漢文受知崇德元年  
由弘文院承政授爲弘文院大學士順治元年罷八  
年復授爲弘文院大學士九年卒在閣十一年諡文  
簡

馮銓直隸涿州人後隸漢軍明萬厯丁丑庶吉士順治  
元年以前明大學士召入內院辦事八年休致十年  
仍以弘文院大學士入內院辦事十二年調爲祕書  
院大學士十三年致仕十六年仍以原官改兼中和  
殿銜連明季在閣共十四年諡文敏後追削

洪承疇福建南安縣人後隸漢軍明萬厯丙辰進士順  
治元年以兵部尙書同內院官佐理機務十月入爲

祕書院大學士二年以原官總督軍務招撫江南各省地方五年還朝仍入內院辦事十年正月調爲弘文院大學士五月以原官經略湖廣廣東廣西雲南貴州等處地方總督軍務十八年乞休帶銜出入共十八年康熙四年卒諡文襄

謝陞山東德州人萬厯丁未進士順治元年以前明大學士赴召至京令入內院辦事以年老乞歸慰留之二年卒連明季在閣共五年諡清義

祁允格滿洲正白旗人後改隸鑲白旗順治二年授爲弘文院大學士八年以罪誅在閣七年

李建泰山西曲沃縣人明天啟乙丑庶吉士順治二年

以前明大學士令入內院辦事未幾以罪伏誅

寧完我遼陽人後隸漢軍順治二年授爲弘文院大學士八年調國史院大學士十五年乞休在閣十四年康熙四年卒諡文毅

宋權河南商邱縣人明天啟乙丑進士順治三年由順天巡撫授爲國史院大學士六年九月乞假回籍在閣四年九年卒諡文康

李率秦漢軍正藍旗人順治七年授爲祕書院大學士八年調弘文院大學士尋革十月起兩廣總督康熙五年卒諡忠襄

查康熙五年諡號檔載官銜只云福建總督而不稱大學士

陳泰滿洲鑲黃旗人順治八年由吏部尚書授爲國史

院大學士尋降九年授禮部尙書十三年卒諡忠襄  
雅泰滿洲正藍旗人順治八年由吏部侍郎授爲國史  
院大學士尋卒

陳名夏江南溧陽縣人明崇禎癸未探花順治八年由  
吏部尙書授爲弘文院大學士九年罷十年召爲祕  
書院大學士十一年以罪誅在閣四年

額色赫滿洲鑲白旗人順治八年授爲國史院大學士  
十五年九月定大學士兼殿閣銜改爲保和殿大學  
士兼戶部尙書十八年復內三院仍爲國史院大學  
士八月卒在閣十一年諡文恪

陳之遴浙江海鹽縣人明崇禎丁丑榜眼順治九年由

禮部尙書授爲弘文院大學士十年罷爲戶部尙書  
十二年復授爲弘文院大學士十三年復罷十五年  
革職流徙

高爾儼直隸靜海縣人明崇禎庚辰探花順治十年以  
在告吏部尙書授爲弘文院大學士十一年卒諡文  
端

圖海滿洲正黃旗人順治十年由祕書院學士授爲弘  
文院大學士十六年革康熙六年復由都統授爲弘  
文院大學士八年復內三院爲內閣改爲中和殿大  
學士兼吏部尙書十四年以副將軍平察哈爾十五  
年以撫遠大將軍定秦中復進兵收川二十年卒于

漢中帶銜出入約二十年諡文襄

成克鞏直隸大名縣人明崇禎癸未庶吉士順治十一年由吏部尙書授爲祕書院大學士十五年九月定大學士兼殿閣銜改爲保和殿大學士兼戶部尙書十七年罷尋復職十八年復內三院改爲國史院大學士康熙元年調爲祕書院大學士二年以疾乞假在閣十年

張端山東掖縣人明崇禎癸未進士順治十年由禮部侍郎授爲國史院大學士十一年卒在閣二年諡文安

劉正宗山東安邱縣人明崇禎戊辰進士順治十年由

吏部侍郎授爲弘文院大學士十一月管吏部尙書  
事十二年仍以原銜回內院辦事十五年九月定大  
學士兼殿閣銜改爲文華殿大學士兼禮部尙書十  
七年革奪誥命隸旗籍在閣七年

呂宮江南武進縣人順治丁亥狀元十年由吏部侍郎  
授爲弘文院大學士十二年以疾乞休在閣三年康熙  
三年卒

金之俊江南吳江縣人明萬厯己未進士順治十一年  
由原任工部尙書授爲國史院大學士十五年九月  
定大學士兼殿閣銜改爲中和殿大學士兼吏部尙  
書十八年復內三院改爲祕書院大學士康熙元年



以年老乞休九年卒在閣九年諡文通

蔣赫德直隸遵化州人後隸漢軍鑲白旗順治十一年由國史院學士授爲國史院大學士十五年九月定大學士兼殿閣銜改爲文華殿大學士兼禮部尙書十七年因病予告十八年復內三院改弘文院大學士康熙二年改國史院大學士九年卒在閣十七年諡文端

王永吉江南高郵州人明天啟乙丑進士順治十一年四月由都察院左都御史授爲祕書院大學士八月以事降調十二年復由戶部倉場侍郎授爲國史院大學士十五年復以事降調在閣六年十六年卒諡

文通

党崇雅陝西寶鷄縣人明天啟乙丑進士順治十一年由原任戶部尙書授爲國史院大學士十二年予告康熙五年卒

傅以漸山東聊城縣人順治丙戌狀元十一年由國史院學士授爲祕書院大學士十五年九月定大學士兼殿閣銜改爲武英殿大學士兼兵部尙書十六年乞休在閣八年康熙四年卒

車克滿洲鑲白旗人順治十二年授爲祕書院大學士十四年加少師銜兼大學士十六年以事去十八年復由吏部尙書授爲國史院大學士康熙六年致仕

中書七

在閣十二年十年卒諡文端

覺羅巴哈納滿洲鑲白旗人順治十二年由刑部尙書授爲弘文院大學士十五年九月定大學士兼殿閣銜改爲中和殿大學士兼吏部尙書十八年復內三院改爲祕書院大學士康熙元年罷在閣八年五年卒諡敏壯

順治十五年九月定大學士兼殿閣銜曰中和殿曰保和殿曰文華殿曰武英殿曰文淵閣曰東閣

胡世安四川井研縣人明崇禎戊辰進士順治十五年由禮部尙書授爲內院大學士九月定大學士兼殿閣銜改爲武英殿大學士兼兵部尙書十八年七月

復內三院改爲祕書院大學士十月休致在閣四年  
康熙二年卒

衛周祚山西曲沃縣人明崇禎丁丑進士順治十五年  
由工部尙書授爲內院大學士九月定大學士兼殿  
閣銜改爲文淵閣大學士兼刑部尙書十八年復內  
三院改爲國史院大學士康熙八年予告十一年四  
月復召授保和殿大學士十二月予告在閣十二年  
十四年卒諡文清

李蔚直隸高陽縣人順治丙戌庶吉士十五年以祕書  
院學士授爲內院大學士九月定大學士兼殿閣銜  
改爲東閣大學士兼工部尙書十六年以事降調尋

入閣辦事十八年復內三院改爲弘文院大學士康熙九年復內三院爲內閣改爲保和殿大學士兼戶部尚書二十三年卒在閣二十七年諡文勤

順治十八年四月復設內三院衙門裁內閣名色

蘇納海滿洲正白旗人康熙元年由兵部尚書授爲國史院大學士五年被鰲拜誣害在閣六年八年追諡

襄愍

查諡號棉只稱戶部尚書無大學士銜

孫廷銓山東益都縣人明崇禎庚辰進士康熙二年由吏部尚書授爲祕書院大學士三年以疾乞假在閣二年十三年卒諡文定

覺羅伊圖滿洲鑲紅旗人順治十八年由吏部尚書授

爲弘文院大學士康熙六年罷在閣七年十六年卒  
諡文僖

巴泰漢軍鑲藍旗人康熙三年由內大臣授爲國史院  
大學士七年以疾乞休八年復起爲國史院大學士  
九年復內三院爲內閣改爲中和殿大學士兼吏部  
尚書十二年以疾乞休十四年令以原銜入內閣辦  
事十六年復以老乞休在閣十四年二十九年卒諡  
文恪

魏裔介直隸柏鄉縣人順治丙戌庶吉士康熙三年由  
吏部尚書授爲祕書院大學士九年復內三院爲內  
閣改爲保和殿大學士兼禮部尚書十年以疾乞休

在閣七年二十五年卒乾隆元年謚文毅

班布爾善滿洲口口旗人康熙六年由領侍衛內大臣授爲祕書院大學士八年罷在閣三年

對喀納滿洲正藍旗人康熙七年由刑部尙書授爲國史院大學士九年復內三院爲內閣改爲文華殿大學士管吏部尙書事十四年卒在閣八年謚文端

杜立德直隸寶坻縣人明崇禎癸未進士康熙八年由吏部尙書授爲國史院大學士九年復內三院爲內閣改爲保和殿大學士兼禮部尙書二十一年以疾乞休在閣十四年三十年卒謚文端

索額圖滿洲正黃旗人康熙八年由一等侍衛授爲國

史院大學士九年復內三院爲內閣改爲保和殿大學士兼戶部尙書十九年以疾解任在閣十二年四十二年緣事死於禁所

康熙九年八月復改內三院爲內閣

馮溥山東益都縣人順治丙戌會試中式丁亥殿試改庶吉士康熙十年由刑部尙書授爲文華殿大學士二十一年以老乞休在閣十二年三十年卒諡文毅熊賜履湖廣孝感縣人順治戊戌庶吉士康熙十四年由翰林院學士授爲武英殿大學士尋罷三十八年復由吏部尙書授爲東閣大學士四十八年卒諡文

端



明珠滿洲正黃旗人康熙十六年由吏部尙書授爲武英殿大學士二十七年以事革去大學士銜交與領侍衛內大臣處酌用在閣十二年四十七年卒

按八旗志康熙三十年至三十八年內閣大臣年表皆有其名

覺羅勒德洪滿洲口口旗人康熙十六年由戶部尙書授爲文淵閣大學士二十七年以事革去大學士銜交與領侍衛內大臣處酌用在閣十二年

王熙順天宛平縣人順治丁亥庶吉士康熙二十一年由原任兵部尙書授爲保和殿大學士兼禮部尙書四十年乞休在閣二十年四十二年卒諡文靖

黃機浙江錢塘縣人順治丁亥庶吉士康熙二十一年  
由吏部尚書授爲文華殿大學士二十三年乞休在  
閣三年二十五年卒諡文僖

莫洛滿洲正紅旗人康熙十三年以刑部尚書加武英  
殿大學士銜兼兵部尚書經略陝西爲叛提督王輔  
臣所害諡忠愍

宋德宜江南長洲縣人順治乙未庶吉士康熙二十三  
年由吏部尚書授爲文華殿大學士二十六年卒在  
閣四年諡文恪

吳正治湖廣江夏縣人順治己丑庶吉士康熙二十一  
年由禮部尚書授爲武英殿大學士二十六年以老

乞休在閣六年三十年卒諡文僖

余國柱湖廣大冶縣人順治壬辰進士康熙二十六年  
由戶部尙書授爲武英殿大學士二十七年革在閣  
二年二十八年卒

李之芳山東武定縣人順治丁亥進士康熙二十六年  
由吏部尙書授爲文華殿大學士二十七年休致在  
閣二年三十年卒諡文襄

梁清標直隸正定縣人崇禎癸未庶吉士康熙二十七  
年由兵部尙書授爲保和殿大學士三十年卒

伊桑阿滿洲正黃旗人順治壬辰進士康熙二十七年  
由禮部尙書授爲文華殿大學士四十一年予告在

閣十五年四十二年卒諡文端

徐元文江南崑山縣人順治己亥狀元康熙二十八年  
由戶部尚書授爲文華殿大學士二十九年休致在  
閣二年三十年卒

阿蘭泰滿洲鑲藍旗人康熙二十八年由吏部尚書授  
爲武英殿大學士三十八年卒在閣十一年諡文清  
張玉書江南丹徒縣人順治辛丑庶吉士康熙二十九  
年由兵部尚書授爲文華殿大學士三十七年丁憂  
四十年召補保和殿大學士五十年卒在閣二十年  
諡文貞

李天馥河南永城縣人順治戊戌庶吉士康熙三十一

年由兵部尙書授爲武英殿大學士三十二年丁憂  
三十四年令以原銜仍入閣辦事三十八年卒在閣  
六年諡文定

吳璵山西沁州人順治己亥進士康熙三十七年由刑  
部尙書授爲保和殿大學士四十四年卒諡文端

佛倫滿洲正白旗人康熙三十八年由禮部尙書授爲  
文淵閣大學士三十九年休致在閣十年四十年卒  
馬齊滿洲鑲黃旗人康熙三十八年由戶部尙書授爲  
武英殿大學士四十八年革五十五年仍召爲武英  
殿大學士雍正元年改保和殿大學士十三年乞休  
在閣三十一年乾隆四年卒諡文穆

張英江南桐城縣人康熙丁未庶吉士三十八年由禮部尙書授爲文華殿大學士四十年乞休在閣三年四十七年卒諡文端

席哈納滿洲口口旗人康熙四十一年由禮部尙書授爲文淵閣大學士四十七年乞休在閣七年

陳廷敬山西澤州人順治戊戌庶吉士康熙四十二年由吏部尙書授爲文淵閣大學士四十九年乞休五十年復召入閣五十一年卒在閣八年諡文貞

李光地福建安溪縣人康熙庚戌庶吉士四十四年由吏部尙書授爲文淵閣大學士五十七年卒在閣十四年諡文貞

溫達滿洲鑲紅旗人康熙四十六年由吏部尙書授爲  
文華殿大學士五十一年進保和殿五十四年卒在  
閣九年諡文簡

蕭永藻漢軍鑲白旗人康熙四十九年由吏部尙書授  
爲文華殿大學士五十二年進保和殿雍正五年革  
在閣十八年七年卒

嵩祝滿洲鑲藍旗人康熙五十一年由禮部尙書授爲  
文華殿大學士雍正五年革在閣十六年十三年卒  
王揆江南太倉州人康熙庚戌庶吉士五十一年由禮  
部尙書授爲文淵閣大學士雍正六年卒

王項齡江南華亭縣人康熙丙辰進士五十七年由工

部尙書授爲武英殿大學士雍正三年卒在閣八年  
諡文恭

白潢漢軍鑲白旗人康熙六十一年十一月以兵部尙  
書協辦大學士十二月授爲文華殿大學士雍正三  
年革在閣三年乾隆二年卒三年復閣銜

富寧安滿洲鑲藍旗人康熙六十一年十二月由吏部  
尙書授爲武英殿大學士六年卒在閣七年諡文恭  
張鵬翮四川遂寧縣人康熙庚戌庶吉士雍正元年由  
吏部尙書授爲文華殿大學士三年卒在閣三年諡  
文端

張廷玉江南桐城縣人康熙庚辰庶吉士雍正三年由



戶部尙書署理大學士事四年授文淵閣大學士五年進文華殿六年進保和殿乾隆十四年以老致仕在閣二十五年三十五年卒諡文和

田從典山西陽城縣人康熙戊辰進士雍正三年由吏部尙書授爲文華殿大學士五年致仕在閣三年六年卒諡文端

朱軾江西高安縣人康熙甲戌庶吉士雍正三年由禮部尙書授爲文華殿大學士乾隆元年卒在閣十二年諡文端

高其位漢軍鑲黃旗人雍正三年由鎮海將軍授爲文淵閣大學士五年卒在閣三年諡文恪

徐元夢滿洲正白旗人康熙癸丑庶吉士雍正元年由工部尙書署大學士四年罷乾隆初加尙書銜食俸六年卒諡文定

遜柱滿洲鑲紅旗人雍正五年由兵部尙書授爲文華殿大學士十一年卒在閣七年

蔣廷錫江南常熟縣人康熙癸未庶吉士雍正六年由戶部尙書授爲文淵閣大學士十年卒在閣五年諡文肅

鄂爾泰滿洲鑲藍旗人康熙己卯舉人雍正十年由雲貴總督授爲保和殿大學士兼兵部尙書乾隆十年卒在閣十四年諡文端

馬爾賽滿洲正黃旗人雍正六年以鑲藍旗滿洲都統授爲武英殿大學士九年出兵後以罪誅在閣六年尹泰滿洲鑲黃旗人雍正七年由左都御史授爲東閣大學士乾隆三年卒在閣十年諡文恪

陳元龍浙江海寧縣人康熙乙丑榜眼雍正七年由禮部尙書授爲文淵閣大學士十一年致仕在閣五年乾隆元年卒諡文簡

嵇曾筠江南無錫縣人康熙丙戌庶吉士雍正十一年由江南河道總督授爲文華殿大學士仍留河道總督任乾隆元年調浙江總督三年九月召入閣十二月卒諡文敏

徐本浙江錢塘縣人康熙戊戌庶吉士雍正十二年由工部尙書協辦大學士乾隆元年授爲東閣大學士九年予告在閣十一年十年卒諡文穆

彭維新湖廣茶陵州人康熙丙戌庶吉士雍正十一年二月由署戶部尙書協辦大學士十一月革乾隆三年起左都御史十五年革三十四年卒

三泰滿洲口口旗人雍正十二年由禮部尙書協辦大學士乾隆十年罷在閣十一年

查郎阿滿洲鑲白旗人雍正十三年由川陝總督授爲文華殿大學士仍留總督任乾隆二年入閣十二年三月予告在閣十一年九月卒

邁柱滿洲鑲藍旗人雍正十三年由湖廣總督授爲武英殿大學士仍留總督任乾隆二年入閣尋予告在閣二年三年卒諡文恭

福敏滿洲鑲白旗人康熙丁丑庶吉士雍正十年由署工部尙書協辦大學士乾隆三年由吏部尙書授爲文華殿大學士十年予告在閣八年二十一年卒諡文端

趙國麟山東泰安縣人康熙己丑進士乾隆四年由禮部尙書授爲文華殿大學士六年降七年正月起禮部尙書七月革在閣三年十六年卒

陳世倌浙江海寧縣人康熙癸未庶吉士乾隆六年由

工部尙書授爲文淵閣大學士八年告假回籍九年  
假滿來京供職十三年革十五年復原銜十六年在  
籍接 駕仍以原銜召入閣二十三年予告未幾卒  
于京邸 賜第在閣十六年謚文勤

史貽直江南溧陽縣人康熙庚辰庶吉士乾隆八年由  
吏部尙書協辦大學士九年授爲文淵閣大學士二  
十年罷二十二年在籍接 駕仍以原銜召入閣二  
十八年卒在閣二十年謚文靖

訥親滿洲鑲黃旗人乾隆十年由吏部尙書協辦大學  
士事尋授爲保和殿大學士十三年以罪誅在閣六  
年

劉於義江南武進縣人康熙壬辰庶吉士乾隆九年由吏部尚書協辦大學士十三年卒在閣五年謚文恪

慶復滿洲鑲黃旗人乾隆十年由川陝總督授爲文華殿大學士仍留總督任十二年革十四年賜死來保滿洲正白旗人乾隆十二年三月由吏部尚書協辦大學士十二月授爲武英殿大學士二十九年卒在閣十九年謚文端

高斌滿洲鑲黃旗人乾隆十年由吏部尚書協辦大學士十二年授爲文淵閣大學士兼江南河道總督十三年革大學士仍留河道總督任十六年復大學士銜十八年革二十年卒謚文定

阿克敦滿洲正藍旗人康熙己丑庶吉士乾隆十二年  
由刑部尙書協辦大學士十三年罷尋復由刑部尙  
書協辦大學士二十一年卒在閣十年諡文勤

陳大受湖廣祁陽縣人雍正癸丑庶吉士乾隆十三年  
由吏部尙書協辦大學士十五年署兩廣總督十六  
年卒在閣三年諡文肅

傅恆滿洲鑲黃旗人乾隆十三年由戶部尙書協辦大  
學士尋授爲保和殿大學士三十四年出征緬甸授  
爲經略三十五年還朝卒在閣二十三年諡文忠

梁詩正浙江錢塘縣人雍正庚戌探花乾隆十五年由  
吏部尙書協辦大學士十七年終養二十六年復由



吏部尚書協辦大學士事二十八年授爲東閣大學士兼吏部尚書十一月卒在閣六年謚文莊

張允隨漢軍鑲黃旗人乾隆十五年由雲貴總督授爲東閣大學士十六年卒在閣二年謚文和

汪由敦浙江錢塘縣人雍正甲辰庶吉士乾隆十四年由刑部尚書署協辦大學士未幾回尚書任二十三年卒謚文端

孫嘉淦山西興縣人康熙癸巳庶吉士乾隆十七年由吏部尚書協辦大學士十八年卒在閣二年謚文定  
蔣溥江南常熟縣人雍正庚戌庶吉士乾隆十八年由戶部尚書協辦大學士事二十四年授爲東閣大學

士二十六年卒在閣九年謚文恪

黃廷桂漢軍鑲黃旗人乾隆二十年由陝甘總督授爲  
武英殿大學士仍留總督任二十四年卒謚文襄  
達勒黨阿滿洲鑲黃旗人乾隆二十年以參贊大臣協  
辦大學士二十一年罷

劉統勳山東諸城縣人雍正甲辰庶吉士乾隆二十四  
年由吏部尙書協辦大學士事二十六年授爲東閣  
大學士三十八年卒在閣十五年謚文正

兆惠滿洲正黃旗人乾隆二十六年以御前大臣戶部  
尙書協辦大學士二十九年卒在閣四年謚文襄

劉綸江南武進縣人乾隆丙辰博學鴻詞二十八年由

戶部尙書協辦大學士三十年丁憂三十二年復以吏部尙書協辦大學士三十六年授爲文淵閣大學士三十八年卒在閣十年諡文定

阿里衮滿洲鑲黃旗人乾隆二十九年授爲戶部尙書協辦大學士三十四年出征卒于軍在閣七年諡襄壯

尹繼善滿洲鑲黃旗人雍正癸卯庶吉士乾隆二十九年由兩江總督授爲文華殿大學士三十年入閣三十六年卒在閣七年諡文端

乾隆十三年刪去中和殿增設體仁閣

楊廷璋漢軍鑲黃旗人乾隆二十八年由浙閩總督授

爲體仁閣大學士仍留總督任二十九年罷爲工部  
尙書未入閣三十七年卒諡勤懇

陳宏謀廣西臨桂縣人雍正癸卯庶吉士乾隆二十九  
年由吏部尙書協辦大學士三十二年授爲東閣大  
學士三十六年二月予告六月卒在閣七年諡文恭  
莊有恭廣東番禺縣人乾隆己未狀元三十年由江蘇  
巡撫陞刑部尙書協辦大學士三十一年罷在閣二  
年

楊應琚漢軍正白旗人乾隆二十九年由陝甘總督授  
爲東閣大學士仍留總督任三十二年以罪賜死未  
入閣

官保滿洲正黃旗人乾隆三十四年由刑部尚書協辦大學士事

阿爾泰滿洲正黃旗人乾隆三十五年由四川總督授爲武英殿大學士仍留總督任三十六年罷未入閣三十八年緣事賜自盡

于敏中江南金壇縣人乾隆丁巳狀元三十六年由戶部尚書協辦大學士事三十八年授爲文華殿大學士

高晉滿洲鑲黃旗人乾隆三十六年由兩江總督授爲文華殿大學士仍留總督任

溫福滿洲鑲紅旗人舉人乾隆三十六年由理藩院尚

書授爲武英殿大學士留川辦理小金川軍務三十八年陣亡未入閣

程景伊江南武進縣人乾隆己未庶吉士三十八年由吏部尙書協辦大學士

舒赫德滿洲正白旗人乾隆三十八年由戶部尙書授爲武英殿大學士

李侍堯漢軍鑲藍旗人乾隆三十八年由兩廣總督授爲武英殿大學士仍留總督任

中書典故彙紀卷七